

Na osnovu člana 16. stav (4) Zakona o Vladi Zeničko-dobojskog kantona-prečišćen tekst („Službene novine Zeničko-dobojskog kantona“, broj 7/10), a u vezi sa članom 134. stav (5) i (6) Poslovnika Skupštine Zeničko-dobojskog kantona („Službene novine Zeničko-dobojskog kantona“, broj 12/09, 19/09, 5/10-isp. i 3/12), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 62. sjednici, održanoj 26.04.2012. godine, d o n o s i

ZAKLJUČAK

I

Vlada Zeničko-dobojskog kantona utvrđuje Amandman II na Prijedlog Budžeta Zeničko-dobojskog kantona za 2012. godinu, koji glasi:

„AMANDMAN II“

U članu 2. Prijedloga Budžeta Zeničko - dobojskog kantona za 2012 .godinu u dijelu A. PRIHODI I PRIMICI, u koloni 2 - Ekonomski kod „717121 - Prihodi od indirektnih poreza koji pripadaju kantonima“, u koloni 5 – Plan Budžeta 2012. godina, cifra „190.596.587“ zamjenjuje se cifrom “191.197.061“.

U članu 3. Prijedloga Budžeta Zeničko - dobojskog kantona za 2012 .godinu, na razdjelu 20, budžetska organizacija 01, potrošačka jedinica 0001-Ministarstvo za rad,socijalnu politiku i izbjeglice, u koloni 8 – Plan Izdaci iz budžeta, vrše se izmjene na pozicijama:

- na poziciji „Smještaj u drugu porodicu“ cifra „160.704“ zamjenjuje se cifrom “ 190.000“, te u koloni 12 – Ukupan budžet, na poziciji „Smještaj u drugu porodicu“ cifra „160.704“ zamjenjuje se cifrom “ 190.000“;

- na poziciji „Stalna novčana pomoć“ cifra „777.822“ zamjenjuje se cifrom “ 1.050.000“, te u koloni 12 – Ukupan budžet, na poziciji „Stalna novčana pomoć“ cifra „777.822“ zamjenjuje se cifrom “ 1.050.000“;

- na poziciji „Transfer JU Službi za zapošljavanje, za podsticaj aktivnih mjera zapošljavanja“ cifra „429.800“ zamjenjuje se cifrom “728.800“, te u koloni 12 – Ukupan budžet, na poziciji „Transfer JU Službi za zapošljavanje, za podsticaj aktivnih mjera zapošljavanja“ cifra „429.800“ zamjenjuje se cifrom “728.800“.

II

Zaključak sa obrazloženjem u kome su sadržani razlozi zbog kojih se utvrđuje podneseni amandman upućuje se u dalju skupštinsku proceduru.

III

Zaključak stupa na snagu danom donošenja.

Broj: 02-_____/12.

Datum, 26.04.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Stručna služba Skupštine,

1x a/a

O B R A Z L O Ž E N J E

PRAVNI OSNOV – na osnovu člana 133. stav (2) i člana 134. stav (5) i (6) Poslovnika o radu Skupštine Zeničko-dobojskog kantona („Službene novine Zeničko-dobojskog kantona“, broj 12/09, 19/09, 5/10-isp. i 3/12) Vlada može da podnese amandmane do završetka pretresa prijedloga zakona.

Imajući u vidu da je na određenim transferima Ministarstva došlo do znatnog smanjenja iznosa u odnosu na planirano, dostavljamo sljedeća obrazloženja o potrebi prihvatanja amandmana.

- Smještaj u drugu porodicu – KAD 204

PRIJEDLOG PO AMANDMANU: 190.000 KM,

PRIJEDLOG BUDŽETA: 160.704 KM.

Pravni osnov: Zakon o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj 36/99, 54/04, 39/06 i 14/09) i Zakon o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11).

Obrazloženje: Prijedlogom Budžeta za 2012. godinu na ovom transferu su planirana sredstva u iznosu od 160.704 KM, što je nedovoljno da se ispune zakonske obaveze prema korisnicima ovog prava, kojima su ta prava utvrđena prvostepenim rješenjima.

Korisnici ovog prava su porodice koje prihvate na smještaj i brigu djecu bez roditeljskog staranja. Visina mjesečne naknade trenutno se isplaćuje u procentu od 22% do 40% od prosječne plaće kantona (zavisno da li se radi o srodničkoj porodici ili drugoj prihvatiteljskoj porodici, odnosno da li je smješteno dijete ometeno u psihofizičkom razvoju).

U skladu sa Zakonom o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, u daljem tekstu: „Kantonalni zakon“) ovo pravo na osnovu prvostepenih rješenja ostvaruje oko 100 korisnika, te je za finansiranje istog potrebno obezbjediti sredstva u iznosu od 190.000 KM.

Povećanje planiranih sredstava u odnosu na Budžet 2011. godine, proizilazi iz činjenice da osnovica nije fiksno određena, nego je varijabilnog karaktera odnosno uskladjuje se sa prosjekom plaće Kantona, jednom godišnje.

- Stalna novčana pomoć - KAD 215

PRIJEDLOG PO AMANDMANU: 1.050.000 KM,

PRIJEDLOG BUDŽETA: 777.822 KM.

Pravni osnov: Zakon o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj 36/99, 54/04, 39/06 i 14/09) i Zakon o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11).

Obrazloženje: Prijedlogom Budžeta za 2012. godinu na ovom transferu su planirana sredstva u iznosu od 777.822 KM, što je nedovoljno da se ispune zakonske obaveze prema korisnicima prava na stalnu novčanu pomoć kojima su ta prava utvrđena prvostepenim rješenjima.

U 2011. godini za finansiranje stalne novčane pomoći za 1.199 korisnika utrošeno je 777.822 KM i očekivati je zbog loše socijalno ekonomske situacije da će se broj korisnika povećati.

Zbog primjene Zakona o načinu ostvarivanja ušteda u Federaciji BiH („Službene novine Federacije BiH“, broj: 50/09), sve novčane naknade koje proizilaze iz Kantonalnog zakona, obračunavaju se procentualno u odnosu na prosjek plaće iz 2008. godine i umanjene su za 10%, što nije pravno utemeljeno s obzirom da je prestala primjena ovog zakona.

Visina ove pomoći bi se trebala utvrđivati u skladu sa Zakonom o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11), kojim je propisano da se ova pomoć utvrđuje na osnovu prosjeka plaće iz prethodne godine i da je zakonska obaveza da se vrši usklađivanje pomoći zavisno od promjene iznosa prosječne plaće Kantona. Za finansiranje ovog prava potrebno je obezbjediti sredstva u iznosu od 1.050.000 KM. Naglašavamo da se ovaj vid pomoći finansira po principu 60% iz Budžeta Kantona, a 40% iz Budžeta općina.

Prema trenutnom stanju visina stalne novčane pomoći za šestočlano domaćinstvo isplaćuje se u iznosu od 112,40 KM, a trebalo bi da se isplaćuje u iznosu od 161,65 KM kada bi se dosljedno primjenjivao navedeni kantonalni zakon.

- Transfer JU Službi za zapošljavanje, za podsticaj aktivnih mjera zapošljavanja - KAD 220

PRIJEDLOG PO AMANDMANU: 728.800 KM,

PRIJEDLOG BUDŽETA: 429.800 KM.

Pravni osnov: Zakon o posredovanju u zapošljavanju i socijalnoj sigurnosti nezaposlenih osoba („Službene novine FBiH“ broj 41/01; 22/05 9/08).

Obrazloženje: Zaključakom Vlade Zeničko-dobojskog kantona data je saglasnost na Program sufinansiranja aktivnih mjera za podsticaj zapošljavanja mladih nezaposlenih osoba bez radnog iskustva – pripravnika u 2011/12 godine. Odlukom o odobravanju sredstava za finansiranje ovog Programa, predviđeno je da se isplata sredstava vrši sa pozicija budžeta „Transfer JU Službi za zapošljavanje Zeničko-dobojskog kantona za podsticaj aktivnih mjera zapošljavanja i „Poticaj zapošljavanja mladih“.

S obzirom da je u ovoj godini predviđen nastavak gore navedenog Programa za njegovu realizaciju su potrebna sredstva u iznosu od 788.800 KM. Prema tome, sredstva sa pozicija budžeta „Poticaj zapošljavanja mladih“ u iznosu 300.000 KM i predloženih 429.800 KM na ovoj pozicije su nedovoljna za završetak odobrenog Programa.

Kako postoji veliki interes za korištenje ovog Programa smatramo da je potrebno i u 2012/2013 godini započeti Program sufinansiranja nove grupe pripravnika. S tim u vezi predlažemo da se obezbjede sredstva za finansiranje prvog dijela novog Programa za 2012/2013 godinu kojim bi se finansirao pripravnički staž za stotinu pripravnika. Za finansiranje ovog dijela Programa koji bi započeo u drugoj polovini 2012. godine su potrebna sredstva u iznosu od 240.000 KM.

S poštovanjem,

MINISTAR

Mirko Trifunović